



Aningaasaqarnermut Aatsitassanullu Naalakkersuisoq

Ulloq: 9. oktober 2015

J.nr. 01.33.05-00127

Ingerlatseqatigiiffiit Kalaallit Nunaannilu oqartussaasut whistleblowereqarnissamut aaqqissuussinissamut (kinaassutsimik ersersitsisuunngitsumik ilisimasamik ingerlatitseeqqiisinnaanermut periarfissiisumik) malittarisassiuunneqarnissaannut Naalakkersuisut peqquneqarnissaannut Inatsisartut aalajangiiffigisassaattut siunnersuummik (UKA2015/117) Inatsisinut Ataatsimiititaliap suliarinninneranut atatillugu apeqqutit.

UPA2015-imi imm. 117 kinaassutsimik ersersitsisuunngitsumik ilisimasamik ingerlatitseeqqiisinnaanermut aaqqissuussanut tunngasoq Inatsisinut Ataatsimiititaliamut suliasanngortillugu innersuussutigineqarpoq. Ataatsimiititaliap siunnersuummik suliarinninnerminut atatillugu makkuninnga maluginiagaqarpoq:

UKA2012/17-ip, aamma kinaassutsimik ersersitsisuunngitsumik ilisimasamik ingerlatitseeqqiisinnaanermut aaqqissuussat pillugit siunnersuutip, siullermeerutaasumik suliarineqarnerani Naalakkersuisut akissuteqaatiminni imatut paasissutissiipput:

” Taamaattorli nalunaarsuisarnermik inatsit massakut atuuttoq isertorluni nalunaaruteqarnermut aaqqissuussinernik (whistleblowerordninger) pilersitsinernut tunngavigineqarnissaa periarfissaqanngilaq, pisariaqassallunilu nalunaarsuiffinnik, suliffeqarfinni namminersortunit pigineqartuni aamma pisortatut oqartussani isertorluni nalunaaruteqarnermut aaqqissuussinermi (whistleblowerordninger) atorneqartussani pilersinneqartussani, pilersitsisarnermik maleruagassat allanngortinneqarnissaat.”

UKA2013/86-ip, kinaassutsimik ersersitsisuunngitsumik ilisimasamik ingerlatitseeqqiisinnaanermut aaqqissuussat pillugit siunnersuutip, aappassaaneerutaasumik suliarineqarneranut atatillugu Naalakkersuisut imatut ersersitsipput:

” Tassunga ilanngunneqartussaavoq, soorlulittaaq isumaliutissiisummi ersertoq, pineqartup malittarisassiuunneqarnissaanut ilanngullugu nalilersuineq nalunaarsuisarnermut inatsisinut ataqatigiissinneqartussaavoq. Nalunaarsuisarnermut danskit inatsisaat Kalaallit Nunaannut atuutinngilaq, maannamullu suli misissorneqarpoq Kalaallit Nunaannut kissaatiginartuunersoq danskit nalunaarsuisarnermut inatsisaata peqqussuteqarnikkut
2
nunatsinnut atuutsinneqalernissaa. Allamulli qiviarnissamut aamma periarfissaqarpoq. 2014-imi tamatuma paasineqarnerusinnaanera Naalakkersuisut neriutigaat.”



INATSIARTUT

Naalackersuisulliuku § 37, tunngavigalugu apeqquteqaammut 1/2015-imut akissuteqaamminni imatut paasissutissiisut:

” Pisortani Oqartussaasut Nalunaarsuiffii pillugit inatsit nr. 294 8. juni 1978-imeersoq inuk pillugu paasissutissanik nalunaarsuinissamut killiliinngilaq. Tamanna whistleblowerimik aaqqissuussinermut atatillugu paasissutissat ilaannik ingerlatitseeqqiinissamut akornutaasinnaavoq. Inuk pillugu paasissutissanut tunngatillugu killiliinerit nalilersorneqarput Inatsit nr. 294 8. juni 1978-imeersup inummut paasissutissat pillugit inatsisip ullutsinnut naleqqunnerusunngorlugu allangortinneqarnissaanik eqqarsaateqarneq ilutigalugu. Whistleblowerimilli aaqqissuussinissaq sulii pilersinneqarsinnaavoq, tassa paasissutissanik allanik, soorlu immikkoortortami ingerlatsinerup isumagineqarnera pillugu ingerlatitseeqqiisoqarsinnaammat. Pisortatut oqartussaasut saaffiginnissummik tigusaqarpata paasissutissat Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersoq malillugu allagaatinik takunninnissamik piumasagaammut attuumassuteqassapput. Akerlianik pisortatut oqartussaasut saaffiginnissut kimik nassiunneqarsimanersoq sukkulluunniit takusinnaanngippassuk, soorunami pisortat tamanna pillugu paasissutissiisinnaanngillat. Taamaammat nalunaaruteqartoq kinaassutsimik isertuusserusuttoq paasissutissinneqarsinnaassaaq, tassa Naalackersuisut ilisimammassuk ingerlatseriaatsit tamatumingga ikorfartuisut inerisarneqarsimammata. Ingerlatseriaaseq taama ittoq whistleblowerimik aaqqissuussap pilersinneqarneranut atatillugu nalilersorneqarlunilu atuutsinneqalissaaq. Tamanna tunngavigalugu inatsisunik maleruagassanillu allannguinnissaq pisariaqassanngilaq.”

UPA 2015/117-ip siullermeerutaasumik suliarineqarneranut akissuteqaamminni Aningaasaqarnermut Aatsitassanullu Naalackersuisoq imatut oqaaseqarpoq:

”Nunatsinni Namminersorlutik Oqartussani whistleblowerimik aaqqissuussinerup pilersinniarlugu suliarineranut atatillugu inatsisip atuuttut misissoqqissaarneqarput paasinniarlugu, whistleblowerimik aaqqissuussineq pilersinniarlugu inatsisip teknikkkut arlaatigut pilersitsinissamut akornutaasinnaanersut. Inatsisip teknikkkut arlaatigut aporfissaqartitsinngillat.”

Tamanna tunngavigalugu apeqqutit uku akissuteqarfigineqarnissaannik ataatsimiititaliaq kissaateqarpoq:

1. Naalackersuisut paasinninnerat malillugu pisortat nalunaarsuivii pillugit inatsit maanna atuuttoq (Lov nr. 294 af 8. juni 1978 om offentlige registre) kinaassutsimik ersersitsisuunngitsumik ilisimasamik ingerlatitseeqqiisinaanermut aaqqissuussamik pisortat ingerlatsiviini pilersitsinnaanermut arlaatigut akornuseeqqava imaluunniit killilleeqqava.
2. Naalackersuisut paasinninnerat malillugu namminersorlutik ingerlatsisut pillugit nalunaarsuiviit pillugit inatsit maanna atuuttoq (Lov nr. 293 af 8. juni 1978 om private registre) kinaassutsimik ersersitsisuunngitsumik ilisimasamik ingerlatitseeqqiisinaanermut



INATSISARTUT

aaqqissuussamik nunatsinni suliffeqarfinnut pilersitsisinnaanermut arlaatigut akornuseeqqava imaluunniit killilleeqqava?

3. Akornutaasinnaasut killiliisinnaasulluunniit pineqartut inuk pillugu paasissutissanut inatsisip (UKA2015/24) peqqussutikkut Kalaallit Nunaannut atuutsilerneqarneratigut pisinnaasukkut pinngitsoortinneqarsinnaappat?
4. Inuk pillugu paasissutissanut inatsimmut Kunngip peqqussutaata Kalaallit Nunaanni Namminersorlutik Oqartussani atortuulersinneqarnissaa pillugu Inatsisartut aalajangiiffigisassaattut siunnersuummik Naalakkersuisut saqqummiussinermi (UKA2015/24), kinaassutsimik ersersitsisuunngitsumik ilisimasamik ingerlatitseeqqiisinnaanermut aaqqissuussamik pilersitsisinnaanermut Kalaallit Nunaanni suliffeqarfinnut pisortanullu periarfissiisunik malittarisassiuussinissamut aalajangiiffigisassatut siunnersuut PIVIUSUNNGORTEREERAAT Naalakkersuisunit nalilerneqarpa?

Imaluunniit– soorlu Transparency Greenland siusinnerusukkut ataatsimiititaliamut saaffiginninnermini taamak naliliisimasoq – kinaassutsimik ersersitsisuunngitsumik ilisimasamik ingerlatitseeqqiisinnaanermut nunami taamak ikitsigisunik innuttaqartumi aaqqissuussineq ima pisariutigisoq allaat tamanna immikkut ittumik inatsisiliuuttariaqarluni, taamaallunilu inatsisinik allanik pilersitsisoqartariaqartoq Naalakkersuisut naliliippat?

Inatsisinut Ataatsimiititaliap ilanngullugu maluginiarpaa, UPA 2015/117-ip siullermeerutaasumik suliarineqarneranut atatillugu akissuteqaamminni Naalakkersuisut paasissutissiissutigigaat, nunatsinni Namminersorlutik Oqartussani whistleblowerimik aaqqissuussinerup tunngavissaa pisortat ingerlatsiviinut kattuffinnut allanullu tusarniaassutigineqareersoq.

Tamanna tunngavigalugu apeqqutip uuma Naalakkersuisunit akissuteqarfigineqarnissaa Inatsisinut Ataatsimiititaliamit qinnutigineqarpoq:

5. Kalaallit Nunaanni Namminersorlutik Oqartussani sulisunut kinaassutsimik ersersitsisuunngitsumik ilisimasamik ingerlatitseeqqiisinnaanermut aaqqissuussamik pilersitsinissamik suliaqarneq sumut killippa, kiisalu qaqugu aaqqissuussap atuutilernissaa naatsorsuutigineqarpa?

Inussiarnersumik


Anders Olsen

Inatsisinut Ataatsimiititaliap Siulittaasua